

建寧府志卷之四十

人物十三

列女

五代

鄭氏余敬洪妻建安人南唐將查文徽平建州鄭為亂兵所獲以獻於裨將王建封建封欲犯之鄭不從脇之亦不屈建封轉歸文徽文徽亦欲犯焉曰王師弔伐宜旌賞節義以勵風化王司徒出行伍亡怪也君侯為國上將亦若是焉

建寧府志

卷之四

列女

一百七十一

速殺我文徽媿而歸之

練氏名窻浦城人章仔鈞妻生而肉髮深沉端毅終日或不一言笑仔鈞仕閩為西北面行軍招討使王審知使屯兵縣之西巖南唐將盧將軍以兵來侵仔鈞遣二校請師於州失期將斬之窻勸曰時危未靖公柰何斬壯士仔鈞悟置不問二校逸入南唐皆為大將一則金陵邊鎬一則上元王建封也保大三年南唐遣江南安撫使查文徽伐閩取建州鎬為行營招討建封為

先鋒橋道使奪其險要已而建封焚外郭克之
時仔鈞歿已久唯窰獨存二校遣使者持金帛
遺窰以白旗授之曰吾且屠城夫人宜植旗於
門已戒士卒勿犯矣夫人返其金帛并其旗曰
君幸思舊德願全此城必欲屠之吾家與衆俱
死耳不能獨生也二校感其言遂止曰夫人之
仁使鬼爲人後鶴子一十五人孫六十八人多
躋顯仕其後裔繩繩相繼位宰執法從歷卿監
佩守令章者殆百餘人人以爲活人之報至明

建寧府志

卷四十一

列女

二

四百六十一

窰二十世孫存道以遺像求學士宋濂贊之

贊曰

懿彼夫人生於七閩內髮有倫靜教而莊動循
厥常女士之良笄而有歸建州之妻其德與齊
建州桓桓旆旄緇緇以扼建關將固我城必集
我兵移書以旌二校言旋何期之愆絕首以繫
夫人曰吁乾坤創夷壯士勿誅逸之使奔遂爲
唐臣建旄而軍爭城以攻火旗晝紅陷其四封
二校有云使鬼爲人夫人之仁曷其報之曷橐
我私曷授我旗旌植於家有突而譁我劍之加
夫人曰噫是城卒屠我生何爲有衆若林昔而
斧礪今而謳吟夫人之亡其魄已藏其澤愈滂
傳紫襲龜霧滃雲彌被於今茲
遺像儼然萬目斯瞻曷取則焉

宋

曹修古女建安人修古明道中知興化軍卒貧不

能葬吏民賻錢五十萬拜酌堂下前白所以家
人未及至女哭曰我先君居朝以清節自立不
幸終於貶所今臨財苟得尚何面目旦夕哭泣
帷中幸趣持歸吏民慙罷

劉氏建安人曹覲妻皇祐五年覲守封州儂智高
陷郡劉逃之林垌既聞覲死曰不可污賊遂自
經追封彭城縣君

曹氏覲妹也從覲官次覲遇害亦自刎

呂宜人建陽人游酢妻也有賢行事舅姑以孝聞
友娣姒睦姻族人無間言酢素貧不治生產夫
人攻苦食淡能宜其家

游氏建陽人邵武黃崇妻幼受班昭女訓通其大
義至治組紉筆札之藝皆不待刻意輒能過人
歸崇事舅姑承祭祀勤肅不懈舅喜賓客佳辰
令節親舊滿門游供饋惟謹未嘗委勞娣姒姑
性嚴諸婦侍傍有二十年不命者游獨能順適
其意盥櫛溫清無有違禮姑每因事指言以爲
諸婦模楷娠子則必端居靜室焚香讀儒佛書

不疾呼不怒視曰此古人胎教法也稍能言置膝上授以詩書及長爲逆師擇友教詔諄悉子中章皆第進士中端明殿學士章台州史贈建安郡夫人

陳氏建陽人余楚繼妻歸楚生子翼三歲楚卒有前妻子二陳盡產與之而使翼之四方游學戒曰往成汝志無恤吾貧於是翼蓋年十五在外十二年而後以進士起家爲吏歸見陳於鄉里陳此時閉門窮窶方無以自存母子相泣閭巷

建寧府志

卷之四

列女

四

三百十五

不

聚觀歎息其賢

呂氏饒幹母父希說進士中第剛介不苟合晚令劍浦以卒呂生而愿慙不妄戲笑未笄失母劍浦俛治家事撫弟妹如成人尋以歸邵武饒偉事舅姑甚得其懽年餘生幹甫晬而寡誓志秉節無何劍浦及舅漳州府君皆卒而姑氏固前沒諸叔姝皆幼稚呂持守門戶奉承賓祭和輯上下內外斬斬其出納用度具有籍記雖龠合分寸無遺漏幹稍長遣就學程其術業謹其出

入交游未嘗借顏色幹亦孝謹敦實能自力學
問中淳熙進士

祝氏朱松妻逮事舅姑孝謹篤至松卒子熹年十
有四祝辛勤撫教俾知所向熹貧病困感人所
不堪而祝處之怡然

虞道永字無盡建陽人江錡妻本劉氏女其父處
士業同產有適虞桐者自其幼而愛之携以歸
鞠於虞因冒其姓少長聰明識義理往來兩家
愛敬曲盡長歸錡入門時舅姑年皆甚高禮法

建寧府志

卷之四十一

列女

五

三百十五

五

峻整道永左右無違凡調脯烹任之事既躬服
其勞而薪火之節亦必謹候視務爲敏給糲微
指旣進饋退屏側立踧踖以聽唯恐少不中度
至或陰儲治饌備更索雖在亂離乏絕中亦必
多方營致錡仕宣教卽沒時諸子皆幼道永以
禮法持門戶錡從官時先疇之人恣兄弟衣食
無所問旣沒命諸子悉推與之虞桐老且失子
道永歸養益謹送其終哀戚甚不沐浴鹽酪者
三年性喜觀書讀易論語得其大意下至練養

醫藥卜筮數術無不通曉平居處事詳練續
與人言必依孝悌忠信晚學浮圖法屏簪珥卻
酒肉布衣蔬食以終其身淳熙慶壽恩當得封
諸子言於有司將上狀道永聞曰吾已棄人間
事何此爲且命而不謝是爲欺君吾敢安乎竟
留不上

陳氏周瑄妻建陽人父安世強學博聞嘗立義齋
縣南從學甚衆陳少喪其親哀慕不懈及嫁亦
不逮舅姑而歲時烝享執事必親訖事常嗚咽

建寧府志

卷之四十一

列女

六

三百二十一

流涕晚好浮圖法得其大指遂不復問家事惡
衣菲食逾二十年而憂人之憂賑其厄窮病苦
雖極力不倦子明仲舉進士知光澤縣

吳氏淑人建陽人兵部尚書呂祉妻祉爲鄜瓊所
害有得祉括髮之帛以歸淑人持帛自縊死

翁氏孝女崇安人紀之女孫也獵涉方冊覽曹娥
碑心慕之年十五母病籲天泣禱割股投羹母
飲之忽有神護疾隨痊里中朝議彭俛聞其賢
力爲季子括求婚旣歸以其孝父母者孝歸

舅沒姑髦且多疾女日夜侍湯藥至忘寢食姑曰願汝婦如汝姑沒哀毀淒切聞者隕涕

吳氏夫人者胡安國母仙州居士羨門之女也幼通詩書皆能析其大義既歸胡克盡婦道姑余太君老得末疾寢食盥櫛皆待人夫人侍膳問衣委身同起卧者垂十載及沒足屈不伸宗長欲以羗夷法舉葬夫人泣曰姑不得以全體歸地下吾當與俱默禱於神以手徐摩頤之姑足遂伸安國稍能言卽遣就外傳且戒不得歸歸

建寧府志

卷之四十

列女

七

三百十五

李

及信宿乃遣之學宗人曰兒稚弱少休之夫人曰休正在此安國自是感奮力學未冠遂預計偕迨罷歸宗人爲惋惜夫人獨喜因語之曰兒學短淺使亟竊名第必情且驕難遠大期也安國既登第復好弈夫人責之曰業止一第耶安國遂禁弈終身已典教荊州以事數忤守夫人曰人貴德義耳不貴以氣凌人安國遵訓飭勵母教居多焉

胡夫人翁氏崇安人密州司戶揆女也生前一日

其祖殿撰夢有通謁者曰吾婺女星也當生君
家翼日夫人生紅光滿堂殿撰曰必貴而壽長
歸寅以婦德聞見元孫者三累封太原寧郡太
夫人

劉氏崇安人翁福清妻福清爲人友愛劉能宜其
家治內井井有規度福清垂沒謂劉曰吾兄弟
幸子姓日庶汝約束之母令異心福清沒劉益
篤忠信家人歲鬻筍市竹之利必入于劉不敢
私蓄一門八十口四世同居

建寧府志

卷之四十

列女

八

三百二十

季

哀氏崇安人貢士范巖妻年二十巖就試卒京師
訃聞號慟幾絕服除剪髮爲尼携其幼子行甫
屬諸宗人而自結菴縣之黃洋居之指河誓曰
不復渡此水矣紹興末行甫舉於鄉哀登高引
睇載笑載悲人詰其故哀曰吾悲吾夫之不及
見而喜吾子之能有成也壽百有一歲

聖姑不知其姓崇安邑五夫里人及笄偃蹇擇夫
里中有道子者亦矜詳擇婦乃聘聖姑甫歸道
子暴死姑遣之還聖姑曰兒所擇婦謂婦賢也

不貞不孝又何擇焉逾十年姑沒力爲殯葬苦
貧甘乏遂毀形屏處茹素誦經一日端坐而逝
顏貌如生

張氏浦城人章惇妻惇之入相也張病且死屬之
曰君作相幸勿報怨旣死惇語陳瓘曰悼亡不
堪瓘曰與其爲無益之悲孰若念臨絕言惇無
以對

沈氏浦城人章甫妻經理家事無巨細皆有節法
甫襟度簡遠未嘗問生事然奮羈旅起家闔門

建寧府志

卷之四十

列女

九

二百九十六

元

千指有宅以居有田以食悉沈力也自政和以
來四方無虞仕進者以攀附爲榮而沈每戒其
子曰宜安素分遠權門盜賊且起無遠官貽吾
憂諸子仕者謹奉教卒以無患聞者服其遠識
許氏黃朝佐妻政和人嫁八年而卒生一男曰石
纔二歲旣屬疾自度不起指石囑其姑曰新婦
卽死以是兒爲托然教之必嚴勿以其母母也
幸而有立新婦不亡矣石長游太學有聲稱擢
進士甲科爲上虞丞

官氏名勝娘建安人方寧之妻寧擄於田氏饑之見一虎方攫其夫卽棄饁奮挺連擊之虎舍去負夫至中途而亡事聞旌之復其家

游氏建安人雷德潤妻善書能文無子默禱於神夢黑熊行天遂生機機貴贈建安郡君機妻危氏亦贈建安郡君通書記作字有楷法善治家事人謂婦道母儀皆可無媿

鄭氏建寧路照磨雷景炤妻紅巾寇作亂景炤及

建寧府志

卷之四十

列女

十

三百〇五

元

父被殺以鄭有容色獨生之鄭知賊意遂自殺次日不歿而蘇撫其二歲兒底成立以壽終

毛氏名清蚤適人至正間己丑寇亂清不從其家人避賊而大書壁間云寧死義不死汚賊至清持刃刺賊首賊殺之事聞旌門復家

余氏名正順昌人年十六父從周許妻歐寧黃壽明年將樂土豪伍馬榮者欲強委禽焉正告其父曰婚姻之禮寸帛爲定旣受黃聘卽黃婦也吾寧死而不失節父以其詞辭之又明年歸黃

黃迎之士豪遣人俟於道殺黃而奪正正給之
曰汝回致意汝王今黃亡吾尚少勢不得不再
適待吾至家受汝王聘然後歸庶塞群議不然
吾必死矣其人從之正乃扶黃柩歸白於官士
豪坐誅遂卜地葬其夫自刎以從之時至和已
巳歲也

廖氏名妙祿建陽人年十七歸爲吳氏婦其姑繼
姑也而事之順二十夫亡敬事舅姑撫教二子
以三十餘年有司上聞未報翰林學士姚公因
侍宴仁宗爲奏其實仁宗曰閩處偏方有此守
節知義之母乎特封貞節宜人樹棹楔於門永
復其家

程氏丘公在之妻崇安人嫁未幾公在卒程年二
十誓不二志苦節五十年延祐間旌其門曰貞
節

李氏名智貞浦城人鄭全之妻右丞敗之母也七
歲能讀書九歲母病調護甚謹及卒哀慟欲絕
奉父極甘旨初父以智貞許全後客邵武士

陳良慕其聰慧強納采焉智貞斷髮數求死良不能奪泰定間全病沒智貞悲泣不食數日而死元季旌表其門智貞能爲詩有靜方集陳旅爲序

徐氏名彩鸞字淑和浦城人李文景妻畧通經史每讀文天祥六歌必爲之感泣元末青田賊寇浦城彩鸞從父嗣源逃山谷間爲賊所得欲害嗣源彩鸞前曰寧殺我賊舍其父彩鸞語父曰兒義不受辱今必死父可速去賊拘彩鸞至桂林橋題詩壁間曰惟有桂林橋下水千年照見妾心清乃厲聲罵賊竟投水而死

黃氏名妙銖松溪人李述父之妻至正丙申青田寇侵縣治黃氏方盛年與群婦逃山谷間爲盜所執義不受汚哀哭伏地不行賊怒驅迤前行數里自投高崖下盜意其必死舍而去至暮其夫踪跡得之幸不死遂昇而歸

范氏名回松溪人葉彥寬妻至正間彥寬授政和簿未任而沒范氏年未三十一子尚幼誓不改

黜有价婦同居亦新寡將改適人范力諍不聽
乃獨撫其子以居子既長從戍范又撫其孫孀
居五十餘年壽九十

管氏政和人張子方之妻也元至正末磔寇入邑
子女多驅迫以去管氏時年二十餘義不受辱
自刎死

盧氏丁賢之妻賢卒氏年二十有六生子淡甫三
歲父母欲奪其志盧氏誓死不行撫子成立孀
居二十餘年始終一節

建寧府志

卷之四十一

列女

十三

二百八十六

禾

明

魏氏名璣建安人雷炷妻炷父棋尉興化炷與璣
在侍至正壬辰羅天陵亂棋奉檄守海口炷挈
璣侍繼母趙氏假館福州炷卒璣年甫二十有
六明年棋亦卒貧無以爲殮璣悉以首飾易喪
具與姑趙躬詣海口扶襯還舊寓自念二柩不
能俱歸乃白于姑權窆炷柩於福州而以舅襯
歸葬於建身冒亂離備嘗艱苦逮明罷一始得
寧居夫歿時子境未晬服闋趙諭以他適璣不

從以死自誓境子鏡孫士旃俱擢進士爲浙江
命事享年五十有八

陳氏宜人名妙善建安人宗人府經歷張珂母也
珂守贛州適宜人官舍每聞公堂有鞭扑聲輒
令覘之潛加戒止珂公退卽訓飭之曰爲民父
母宜以寬恕存心珂嘗以俸祿之入製輕煖市
肥鮮以奉宜人卽鬱鬱不悅曰吾意豈在口體
哉

丘氏名鳳娘建安人魏宗欽妻洪武初宗欽父康

建寧府志

卷之四十一

列女

十四

三百一

承

爲倉胥坐法當刑宗欽詣官請代丘曰勉乎行
矣君能爲子妾不能爲婦耶宗欽就獄歲餘度
當決遺書與父訣父不忍觀火之丘遂痛哭自
縊其後宗欽乃得赦歸悲不自勝也曰吾不意
生而婦不意死哉

江氏建安人貢士雷溫之妻按察副使江鐵之女
溫卒江氏屢欲從之死家人保持之得免母欲
迎以歸江曰吾未亡人有死而已安可他往遂
杜門不出奉姑盡孝育子慘至於成立婦居四

十餘年始終一節

章氏名聰建安人魏壽孫妻年二十八夫亡始生一子舅姑老而貧聰守志孝養壽八十八卒宣德間旌其門

張氏建安人雷棟妻叅政張珂之孫女年二十棟卒無子張氏甘貧守節四十餘年

陳氏名仁娘建安人張伯輝妻伯輝卒二子尚幼陳氏誓不二志撫二子俱成立次子琮娶葉氏

生子慶方三歲而琮亦卒葉氏年甫二十守志建寧府志

如其姑慶長遊邑庠膺貢入國子監士大夫名其堂曰繼節作詩頌美之慶後應貢士舉葉亦以壽終

趙氏名富建安庠生滕奎妻奎早卒趙年方三十餘引帛自縊欲以死殉家人驚救獲免乃躬績紡甘淡薄撫二女皆有歸育夫從子禮後其夫弘治辛亥知府劉璵奏請旌表

張氏名閏建安人楊士倫妻倫邁疾張求禱不效乃割股和粥以進疾瘳已復作不可起泣曰君

脫有不諱妾當相從但母老子幼姑忍死以終
事育必不負君倫卒悲痛幾絕誓志不二時年
未三十事姑盡禮撫二孤昂昂皆成立弘治壬
子知府劉璵奏請旌表

周氏建安人楊仕儀妻兵部員外郎周炫女讀書
通大義年十九歸仕儀踰年而仕儀病亟顧謂
周氏曰吾死數也汝年少宜自爲計周泣曰一
與之齊終身不改婦之道也况今有娠幸而得
男子妾願畢矣仕儀卒五閱月而生子旦撫教

建寧府志

卷之四十

列女

十六

三百

美

成立登進士第累官吏部尚書弘治壬子知府
劉璵奏請旌表

蘇氏名貴娘建安人貢士陳琦妻琦廷試歿於京
師貴娘聞訃絕而復甦者再或勸之改適貴娘
泣曰吾夫士也吾忍辱吾夫哉時姑垂白在堂
貴娘奉養得其歡心撫幼子底於成立孀居三
十餘年志節凜凜弘治壬子知府劉璵奏請旌
表

詹氏名善建安人張澤妻生子鈞九閱月而澤卒

詹年二十三誓不再醮鈞長教誨有成卒年
十四

江氏名叔貞建安人雷格之妻歸七年喪夫撫二
孤啜啜迄成立而雷貴矣

雷氏建安人適朱文公十二世嫡孫鉞早卒無子
其時舅氏亦未有他子也雷哀毀幾盡強起事
舅姑涕淚至失明既舅生子鑿鑿生子法乃求
法後其夫法長襲五經博士

黃氏名蘭英建安人邑庠生陳沆妻年二十四生
建寧府志
卷之四十一
列女
十七
二百九十五
子彬甫週歲舅暨夫俱卒事姑孝勤彬後天憂
德逾月尋卒年六十四

謝氏名翠建安人庠生吳炫妻年二十四而炫卒
甘貧紡績事兩姑燃薪課督三子氏病姑爲延
醫引斧自誓曰寧斷臂不近男子也孀苦四十
餘年卒年六十七萬曆中旌其門

龔氏建安人貢士楊公載繼室公載偕前妻子承
祚會試俱卒於京氏年二十二遺子承禎年四
歲嫡姑及其所生姑俱老貧皆龔支持之孫百

朋登第旌表

曹氏建安人陳岐鳳妻鳳歿氏年方十七有遺腹後生男撫育成立家務不足勤紡績以佐饔飧年六十親隣鮮有聞其聲見其面者

張氏建安人諸生葉文梓妻年二十四而寡一子延宗甫週姑且老斷髮自誓撫孤長之年八十餘以壽終

楊氏建安人諸生陳照妻年二十七照歿子三歲獨繼姑在堂老而貧乏楊之父舉仕爲通判曰

建寧府志

卷之四十一

列女

十八

二百九十五

女貧也從吾宦不可隣家火不出避也曰吾子未歸然竟無恙人以宋其姪方之

倪氏建安人陳機妻機死氏年二十二守節不渝事舅姑撫孤幼卒年七十有奇

陳氏建安人李文超妻文超之母亦寡守文超文超早卒遺子一週耳陳感激孀姑矢志勵節子銘長以諸生遊太學卒年八十三

吳氏建安人庠生楊詹妻詹死氏年二十二無子擇楊氏族之賢者立爲嗣苦志守節訓子有成

徐氏建安人周鶴齡妻年二十三而寡子幼姑老氏刺繡奉養卒成子士英補諸生孫武烈舉於鄉年七十九卒

鄒氏建安人指揮張應基妻基應試武場卒於省氏年二十計聞哀毀幾絕念夫功臣後裔獨抱遺孤撫養有成其子廷鉞襲官鄉里稱其賢

黃氏建安人李壑繼室壑沒氏年二十一無子撫前妻子錡熒熒相依四十年有司旌之

馮氏建安人庠生裴國宏妻宏卒氏年十九子成

建寧府志

卷之四十一

列女

十九

三百十四

禾

謨僅週歲鞠子成立三十餘年始終一節

王氏名滿娘建安人舉人龔士遴妻遴早卒僅生

一子氏撫育成立生一孫氏喜謂可以延龔氏祀無何子死孫又死氏痛絕投高門井以死郡人傷之僉呈當道表其門崇禎間按院應喜臣

題請建坊有節烈錄及紳士詩歌傳贊傳其事黃氏建安廩生魏大壯妻壯高才賁志早歿氏撫二孤備嘗艱苦後仲子魏球戊子副榜歷任青浦縣公舉貞節立坊旌表

劉氏建安人李竹山妻夫卒到耳守節後姑病割股和藥以進鄉人稱其孝節

夏氏建安人李盛春妻姑病癰藥餌不效禱於神願減已年益姑壽因吮癰癰為之瘳已而盛春病又刺血和藥夫亦以愈

陳氏建安人李自葵妻夫早歿寡守志教其子卒能成立

童氏名順甌寧人指揮使劉寬繼室年未三十而寬卒子銀尚幼前妻子盡有其產或謂宜直之

建寧府志

卷之四

列女

二十

二百九十五

官氏曰彰子之過以傷至情不可及携子銀依第訓以居辛苦操持幾三十年銀既成立時遣歸掃先塋以修兄弟之好人稱其賢

李珏以掾給事京師妾氏某千戶女年色並盛珏死妾焚珏骸與其遺金裹歸誓為李氏死珏子不為養取其金迫嫁之妾北人也徬徨無依號慟去饑餓死他家路人歎曰甚哉棄父妾者獨何顏地下見父乎

王氏李琛妻年二十五而喪夫子習尚幼家窶甚

族里長者憐而語之嫁不可既習死又語之又不可蓋稱未亡人者五十年

鄒氏名聰甌寧人唐鉞妻生子浩二週鉞卒氏年二十三清苦自操不二其志年六十七卒

魏氏甌寧人庠生雷燦章妻章歿氏年二十淚盡繼血目爲之枯不食七日卒

葉氏甌寧人同知勝澍妻澍死言不踰閭孝事舅姑訓子孫以禮讓壽一百歲有司旌其門

林氏名森甌寧人席成妻子尚賢僅二歲成卒家

建寧府志

卷之四十

列女

二十

二百九

貧誓不他適紡績養姑撫嗣承祧御史盧守愚

奏請旌表

蔡氏甌寧人席鵬妻先是鵬祖母以節旌鵬死氏誓不改志里火延及鄰舍反風旋滅孀守四十

餘年卒

謝氏甌寧人庠生吳元陽妻十九歸吳閱歲而寡姑病在堂子生方三日乳然無依斷髮自誓勤女工以供蔬水督子詩書不以貧故易業萬曆二十二年按院陳子貞奏請旌表

饒氏甌寧人謝霖繼室縣卒無子饒年二十有一撫前妻三女如已出長爲之擇婿又爲夫立嗣苦節令終族人賢之

吳氏甌寧人謝瑀妻成婚未一載瑀有晉安之役道亡吳迎其喪痛哭沙洲死而復甦立夫之兄子爲嗣冰霜凜然

謝氏甌寧人庠生林朝卿妻生子叔文週歲卿死氏年十九截髮自殘不復出戶孝事翁姑翁劔百歲卒殯葬盡禮以義方成子補諸生萬曆二

建寧府志

卷之四十一

列女

二十一

二百九十四

在

十四年察院周維翰奏請旌表

王氏甌寧人舉人郭臣妻臣死無子氏年二十二孤貧苦守竭力養姑撫育侄子爲嗣孀守六十餘年卒

楊氏甌寧人魏維熊妻適熊兩歲而熊死氏年十九家徒四壁父母勸以他適氏斷髮自矢辛勤養姑義方訓子守志五十餘年卒

陳氏甌寧人庠生謝應京妻應京家故貧陳入門卽毀簪珥脫舅氏由役之困京沒氏年二十四

生子州詔甫三日越十日而姑歿又逾月而舅
歿三喪疊至殯葬如禮卜舍學傍辟纘課子督
學饒景暉謂其三日遺孤一腔熱血逢此百罹
凜然一節

彭氏甌寧人生員葉模妻模赴舉病回氏剜左臂
焚香以禱模歿氏年十九家貧無子倚母度日
年八十有司賜帛給扁

黃氏甌寧人楊公範妻公範病亟黃時年方二十
五卽許以殉範卒越日嚙裂所服衰自縊死

建寧府志

卷之四十一

列女

二十三

二百九十一

在

林氏甌寧人適任巨與巨處相見如賓其翁喜曰
不意吾門有梁鴻孟光也巨歿氏年二十五絕
去膏沐不出戶者五十七年孫本信曾孫可受
相繼鄉薦

滕氏名順甌寧人適朱廷采采卒氏年十八生子
二十八日哭夫痛絕復甦倚母家哺子成人守
節三十年卒

全氏甌寧人知縣雷用龍繼室子伯漢甫三歲龍
卒於任氏年二十四携孤扶櫬歸孀居三十年

操如一日

滕氏甌寧人庠生朱校妻年二十夫死無子甘苦自守事舅姑存歿盡禮年逾八十卒

魏氏甌寧人庠生謝銳妻銳病革魏泣謂之曰君若不幸妾誓不負君銳卒魏年二十四一子方逾月煢煢鞠養底於成立

楊氏甌寧人生員滕桂妻桂亡氏年二十一子燁纔週歲家計蕭條截髮納夫棺矢志不變勤織紵以供舅姑孀居三十餘年卒年五十五

建寧府志

卷之四十一

列女

二十四

二百八十一

在

金氏甌寧人陳曜妻曜死子幼遺瘠田四畝不足供二親飭粥氏誓志甘守日夜勤女工以課子其子思尹舉萬曆辛卯鄉薦年七十餘卒

鄭氏甌寧人黃崇妻年十六歸崇甫越歲崇死母逼改嫁誓死不從辛勤以養舅姑年逾六十而卒

陳氏甌寧人李珂妻生員李鍾奎母珂早歿撫子成名

黃氏名淑正甌寧人黃懋誠女適張素履性端淑

不妄笑語素履以文與子名於時早卒氏年三十一
三篤志守節撫其子八公肅明經成名年七十舅
猶在堂每膳備甘旨不以老廢子婦禮

滕氏朱氏甌寧人副憲陳烈之孫婦也長士鑑娶
滕氏次士錡娶朱氏兄弟相繼歿滕與朱妯娌
並守節至老滕後子又歿獨朱一子瀧克世其
業崇禎朝按院旌其門曰雙節可風

劉氏甌寧生員徐夢臯妻年二十二而寡撫養一
子清節凜然屢經按院旌獎

建寧府志

卷之四十

列女

二十五

三百

聖

龔氏甌寧民蔡清泉繼室生二子方在襁褓氏年
二十一清泉病故撫前妻子愛逾已出教子育
孫各能成立享年九十有四終

陳氏甌寧人儒士謝天輔妻年二十六而寡撫養
嗣子艱苦備嘗直指王範旌扁曰節勵冰霜卒
年七十有三

王氏建陽人事姑至孝一夕大雨屋前池沼皆滿
視之錢也今其池名錢塘

劉氏建陽人年十八適熊剛中期月夫亡以死自

誓養其姑立剛弟子燦爲後孀居六十年洪武間有司上其事詔旌其門卒年七十有八

詹氏建陽人年二十五適黃溥溥卒子璿僅週歲家貧紡績以供舅姑舅姑繼歿營葬如禮訓飭其子凜然無鬻客璿宣德間貢入太學氏年七十三卒

陳氏建陽人蔡郎妻郎赤貧負債窮迫欲嫁陳以償陳見勢不可已恥事二姓自刎死推官胡緝扁其門曰貞烈

建寧府志

卷之四十

列女

三十六

二百八十五

全

朱氏文公七世孫女也適劉文簡公八世孫潭生子穩甫三歲而潭卒氏年二十四乳子自誓教子義方鄉黨稱之

何氏建陽人朱文公十世孫烜之妻也何幼通孝經列女傳及曹大家女戒夫喪時年二十五守節以終壽八十餘

劉氏文簡公十世孫女適馬澄氏年二十四而寡撫訓二子榿樑俱成立宗黨賢之

朱氏名無瑕文公十二世孫女適李汝梗三載李

病瘵謂朱曰我必不起娠男則守娠女若何朱
嗚咽不能對亡何女矣汝梗病轉劇亟呼朱至
則已舌澁第瞪視低回朱大慟曰恐而室飯他
家耶借事出房遂自盡李亦旋卒

黃佛姐建陽人徐輝妻輝卒氏年二十五生子銀
一歲或勸他適誓不二志絕甘茹苦孀居三十
餘年卒

劉氏文簡公八世孫顯之女適潘榮生二子曰塤
曰箎而舅姑及夫俱卒劉年十九持家有法教

建寧府志

卷之四十一

列女

三

二百九十五

季

子有方

倪氏建陽人黃庾妻生子三曰倫曰儼曰信而庾
卒倪年二十五孝姑教子人或贊之曰習慣如
此不自知也

張氏建陽人年十七適蘇崇閱七月而崇卒母憐
其少強之嫁氏欲自盡而止孑立數年崇弟崑
始生子相遂養以爲後相又卒撫孫灼以老

葛氏建陽人諸生劉祐妻也有名子矜中學使姚
鏌賞識之方其卒年二十七子寅甫六歲鏌悲

祐不遇命寅自襁褓中寄名諸生葛痛夫愛子
顧不以姑息畜後寅舉明經司訓松陽

翁氏建陽人陳郎妻年二十四夫喪三子皆幼艱
辛撫孤年八十終

應氏名媽娘建陽人朱文公裔孫錦妻年二十五
而寡守志不二先後旌之

范氏建陽人宋垓妻年二十三夫卒遺子堅甫三
月姑憐之屢諷更適泣曰姑老矣婦無夫且當

侍况子耶姑沒棺殮葬祭悉自營辦孀居四十

建寧府志

卷之四十一

列女

二十八

二百九

餘年卒

李氏名淑亨建陽人黃寬妻寬病革謂亨曰母老

子幼奈何泣曰不負君寬卒氏年二十四日携
乳兒侍姑側每食擇甘糲進姑曰我子不亡矣

年九十七卒

徐氏名田娘建陽人張煦妻煦母陳蚤寡使贅於

徐八閱月煦以他訟繫死田娘年十七方娠五
月慟絕後生一男家貧甚女工給子以至成立

蔡氏建陽人熊勿軒九世孫燭之妻燭卒氏年二

十一生男壘甫四月姑泣告曰此恐非婦所倚
孝母悔氏嚙指滴血誓死無二孀居四十三年
王氏建陽人適袁某年二十六而夫亡時子綽方
三歲因遺資孀守課緯就醫曰亦可行善緯遂
以術名王卒時九十一

張氏建陽人詹郎妻適五載而寡無子姑憐其少
且貧欲嫁之里有富室遂以重賄謀娶張誓必
死會族有產子者乞而育之比長娶婦生三孫
不十載而子喪婦亡窮苦萬狀沒齒無怨

建寧府志

卷之四十

列女

二十九

三百十一

在

趙氏建陽人李廷恭妻適恭二載恭卒撫遺子養
老姑孀守冰潔人無間言年九十一

范氏徐登妻建陽人年二十八而寡家人財產盡
付於叔二子曰潛曰池自幼教以友恭年老兄
弟尤和愛池子汝枋娶羅氏次汝棕娶黃氏俱
以死亡羅與黃妯娌並守一門三節始終無玷
人以爲難

范氏建陽人詹燭妻年二十八生子沂週歲而燭
亡范杜門不出奉舅姑撫幼子處妯娌姑叔和

有禮孀居六十年

周氏建陽人翁敏妻年二十三而寡有二子一四歲一遺腹家貧甚有諷以遺孤難恃者正言折之日夜紡績事孀姑以孝聞姑沒立營襄事宗黨賻贈皆却不受二子長課之樵耕曰此生道也

翁氏建陽人熊堯德妻堯成卒遺腹舉一子婦有他志欲棄之翁曰兄弟二人僅此子也撫養在我有他者聽亡何堯德亦死翁撫姪無

建寧府志

卷之四十一

列女

三十

二百九十六

在

二有病勸之就醫曰嫠也速死爲幸

趙氏建陽人張翼軫妻軫早卒無子父老在堂氏以婦代夫孝養備至崇禎八年直指張公表其行曰松筠比節金玉同貞堂上有白髮之公懷中無黃口之乳稱六十年未亡人真千百載不朽事後奉旨旌表

黃氏建陽人勉齋裔孫夢樞女幼授列女傳能成誦十八適袁仕重五載仕重逝無子家貧黃抱夫主去依母家以五十餘年鄉人欲表其節輒

止之曰常事耳何煩官府

詹氏建陽人適余有禎早寡撫子定躍艱苦備嘗
守節以終

詹氏建陽人朱文公十二世孫鎧之妻也年二十
五守節旌表

余氏建陽人朱文公十二世孫振妻余早喪父無
兄弟振贅焉後其母不耐貧困轉適他家振挈
氏獨居蕭如也母嫌振貧謂如何不求去曰一
與之齊柰何貧棄之母言愈厲遂自縊死

建寧府志

卷之四十

列女

三十一

二百八十六
元

鄭氏建陽人年十七適范六鰲未及笄鰲歿眾欲
奪其志鄭曰婦人從一而終吾頭可斷吾身不
事二姓也遺腹生一男而舅繼歿家益寥落氏
辛苦數十年教其子有成直指楊公旌其門

張氏建陽人適黃金輅輅蚤死氏年十九撫二子
養翁姑家庭無間言其後二子相繼死族眾分
其腴田而以硤田給氏甘心苦節年六十有三
卒

吳參娘建陽人范希若妻氏新寡時山寇陳瑞巖

澌其姿遂逼委禽并揣知氏孝挾以亦不從則
殺其姑氏計全節而姑必不免乃陽許之欣然
就輿至其所參娘早飲鴆懨懨將絕賊異之遣
還一見姑而目遂瞑知縣錢民瞻作序贈之

黃氏建陽人王權妻生一子名九齡權失水死氏
晝夜哀慟忽一日爲兒薙髮訖對夫靈伏哭是
夜尋以薙髮刀自刎浸晨兒大號家人起視之
氏喉斷矣檢鏡臺得畢命辭中有聞說死同穴
而今問水濱之句知縣馬世道扁旌曰志節維

建寧府志

卷之四十一

列女

三十一

三百二十

風

黃氏崇安人鄧文燮妻年二十八子仕濂方九月
燮卒氏抱兒日哭柩側曰吾爲此兒苟存也氏
弟曰姊無依歸於我氏曰夫之神主在去將誰
依撫子濂讀書廩於庠有司上其事旌其門

游氏崇安人年十七適楊自明姑風疾艱寢與游
旦夕扶持姑死竭誠終事亡何夫被仇家毆死
游念子少隱忍在心及子長懷亦入仇家會仇
家暴死氏曰恨不死吾手監司聞之遣祭表其

宅

倪氏崇安將材里人藍增之妻幼通詩史兼精書法年二十三夫死無子天順四年召入掖庭備姆訓以大家稱之八年乞歸賜女官乘傳還里正德間立女官坊表其閭

吳氏崇安人適黃季滋生子楫甫六月季滋歿吳哀痛不絕口姑曰夫可痛也子亦可懷于是稍節順執喪三年家日伶仃姑曰盍他往吳曰有子又何之正德初有司給米絹表其宅

建寧府志

卷之四十

列女

三十三

三百〇三

明

彭氏崇安人適吳京煥生子穀三歲次象甫五月夫臨終囑曰親老子幼守否在汝彭號泣自誓夫歿舅又喪彭與姑形影相弔也歲饑多盜彭家獨免人曰節婦孝養之需神爲護矣

彭氏崇安人適李存年十九歸李三年夫故遺腹僅五月夫疾革謂彭曰腹中子未知雄雌命之不淑汝自裁之彭痛而誓死夫歿晝夜泣也日祝天男乎男乎果誕男及週疹廢明復號天撫男泣也數月復明人曰孰謂天遠

江氏崇安人程啟隆妻生三子一女俱幼隆卒氏年二十七矢志撫孤母教甚嚴辛勤三十年不變事聞旌表

蔡氏崇安人西山九世孫女適建陽熊勿軒八世孫普惠生子繼儒甫週惠卒氏年二十二絕脂粉却麗服不輕出廳堂邑人熊斌奏請旌表

翁氏名蔡崇安人陳際中妻年十八歸陳長子三歲次子甫四月際中疾謂蔡曰不起矣無哭也傷我二親善撫二孤吾目瞑矣際中卒蔡吞聲

建寧府志

卷之四十

列女

三十四

三百十七

明

襄事奉慰舅姑曰孫卽子也舅曰汝少家貧可柰何蔡曰事舅姑撫孤幼不忘夫命三者婦分也舅歿力營襄事家益困夜績不休姑止之不可日坐失明蔡曰失明婦甘紡績廢矣是天盲吾姑與吾兒也踰年日復明人謂節孝之感年七十六卒嘉靖間表其門

毛氏崇安人張釗妻二十一而夫亡子瀾僅數月毛抱屍慟哭姑慰之曰母存子存夫去夫在毋空自苦毛拊踊斷髮曰有如此髮矣姑年及

十敬養不替而子瀾死獨孫在耳時巡方檄承節義邑人舉毛毛曰夫亡子亡虛名何事力求已之卒年六十三

暨氏孺人者戶部主事黃嘉賓之繼室也嘉賓卒於任暨幾不欲生特念有腹孕耳行至山東得男一婦一姑撫嬰扶柩過楊子江風濤暴起暨抱兒顛天衆舟覆暨舟獨存歸家隣舍火焰及於庭暨曰將焉避之俄而風反火滅暨年九十及見其孫世忠登第撫按屢旌其門

建寧府志

卷之四十

列女

三十五

三十五

万

毛氏崇安人適徐環環之母生環與璫中歲寡毛氏年十九生子宗成甫三月而環死璫妻李氏生子宗茂甫一週而璫死一門三孀家事蕭條姑謂毛李曰二孤我撫二媳自裁無其苦也毛私語李吾爲冢婦而子我子汝可從姑命於是李嫁而毛守也姑嘗語人曰吾婦夕橫雙臂以枕二孤食果必均製衣同布真賢婦也姑沒毛悲慟骨立宗成長生一女而又死毛痛傷成疾宗茂請醫視之毛曰徐有後矣此吾從夫死之

日藥之是求生也不藥而卒

黃氏崇安人計部嘉賓女年十六歸虞黃中十七而寡撫遺子敬孀姑苦守以老太守龔道立獎之爲請旌表

孫氏崇安人郎慶雲妻雲兄弟拆箸侵雲產氏勸雲讓之後雲死氏年僅十九撫遺腹子舜采成立氏享年九十九邑令王申詳院道表其門曰栢舟完節

林氏名淑柔浦城人張伯成妻成早世氏年二十建寧府志

卷之四十一

列女

三十一

二百八十一

餘諸孤俱幼舅姑繼歿乳無依携子女往依兄弟家躬織紝以教育孤幼世武間還故居年八十餘卒

葉氏名文娘浦城人林陳妻年十八適陳半載陳赴京卒訃聞哀毀骨立誓死不易志既遺腹生子衍鞠育訓誨至於成立年六十九卒

游氏名淑端浦城人蘇公亮繼室年二十餘方孕而夫卒臨終囑氏曰生男當守生女嫁也旣生女竟不嫁苦節以終

吳氏名懿清浦城人周璟妻懷妊兩月璟卒時年二十三哀慟幾絕已生男躬紡績以奉舅姑育幼子始終一節

張氏名雪娘浦城人年十九歸徐珊珊卒氏年二十二號哭飲血誓以身殉諸妯苦勸之乃強起撫育其孤紹有富姓強委禽焉氏閉門自縊姑饒氏毀牖救甦年七十八全節以終萬曆間御史徐兆魁題請旌表子紹有隱德鄉人稱之張氏名定娘浦城人真大韶妻年十九而寡遺孤

建寧府志

卷之四十一

列女

二十七

三百十四

季

梧方在襁褓引刀斷指誓天鞠撫躬紡績以奉舅姑萬曆三十年直指劉應龍題請旌表梧廬母墓亦以孝聞

董氏線娘浦城人畫史李遇陽妻也遇陽以宕子游江湖間去之二十載方歸歸數月輒復去此時舅姑咸年踰六旬而夫兄不事生業所以養舅姑皆自線娘十指出自後畫史之音信絕矣舅沒夫兄潛與姑詐爲夫書囑之改適線娘痛哭自縊姑憐而止之嗣是家日窶夫兄出亡線

便養姑不懈姑歿典衣襄事歸家依其兄嫂
或日不爨爨亦不飽也萬曆二十九年乃知書
史贅馬湖府富人家挾貲至千金前一歲物故
線娘號泣曰死吾無愧矣遂不食死年五十有

一

祖氏名梅娘浦城人吳瀾妻歸吳一載夫死氏年
二十一誓與夫偕亡親黨勸之曰爾有娠八月
倘天不絕吳生男未可知後果生男撫之成立
苦守六十二年

建寧府志

卷之四十一

烈女

六

二百九十一

黃氏名聰娘浦城人生員徐以鑿妻年十六歸徐
五載而鑿故囊篋罄懸母子孑立外戚李某橫
欲奪嫁叩天咬血引繩自縊會兒索乳啼舅姑
覺而拯之翁年耄氏孝養彌殷姑病日舌砥其
翳課子承夫志歷五十年

徐氏浦城人祖黯妻黯天亡氏年十九僅生二女
號慟願以身殉人諷他適氏割髮明志白姑擇
嗣繼宗祧姑沒痛哭仆地遇其諱日泣下沾襟
孀守四十餘年

楊氏浦城人年十七適吳邦用二十而寡二子俱幼氏以死誓姑勉之曰一死明志婦之分也如我老子幼何氏改容謝曰謹如教於是勤紡績養姑撫子卒成其節萬曆二十一年邑令黎民範賚以粟帛申院道旌獎

包氏名淑貞浦城民丘璫妻年二十而寡遺孤在抱氏引刀斷指以節自誓其孤廷梧後舉十子四八庠氏不下堂者六十餘年縣令王請於學憲旌其門

建寧府志

卷之四十

列女

三十九

二百八十四

季

潘氏名翠娘浦城人李應相妻相亡潘年二十一剪髮自矢養姑訓子其子守俸詣京師表母節孝

黃嫩娘浦城人年十八歸徐一濬濬早卒與其姑黃氏以苦節聞崇禎元年直指周昌晉疏請旌表之

管氏浦城人范毛桃妻毛桃家貧管故事之不懈未幾毛桃沒貧不能市棺隣人舉其屍焚之管慟哭跳入烈焰中抱夫屍同燼里人以聞立坊

旌表

孫氏儒士吳憲祖妻生二子未離襁褓夫卒氏年二十四臨終囑曰二子汝無失教九泉無憾氏泣血受命自是蓬首澣衣言不踰閭母欲令他適氏聞割髮貽母以斷其念紡績課讀二子後列庠序

嚴氏名妙音松溪人楊繼義妻義以事逮繫死於京師氏年二十一生子孟貴方九月氏矢節以終

建寧府志

卷之四十一

列女

四十

二百八十一

嚴氏名完娘松溪人江克俊妻年二十生子濬幼俊病死氏誓死不二姑年八十餘生事死葬莫不如禮子濬又卒撫育二孫成立

黃氏名妙瑩松溪人葉繼生妻洪武間山寇標掠至其家繼生驚走賊揮劍砍之氏匿暗室中見夫被傷即出救以身蔽之賊亂砍方至氣絕而身不動寇愕然棄去夫得免死

馬氏名妙瑄松溪人葉濂妻年二十夫病亟語曰吾死無後汝將何歸氏曰吾亦有死而已及夫

卒氏以劍自刎家人覺而救之得不死五十餘年竟全其節

李氏名翠娘松溪人葉廷寶妻年二十五夫故紡績自給撫養二孤繼安繼鎮嘉靖十二年有司覈實具奏旌表之

范氏名三飯松溪人楊惠林妻年十八夫故無子舅姑欲改嫁氏誓不許取族人子臣爲後終其天年

范氏名勉松溪人葉宗儀妻年十七而寡舅姑欲奪其志抱木主歸依母家飲恨不起臨終求與木主同葬

范氏名佛姑松溪人陳光妻嘉靖間廣賊臨境氏隨夫逃入山被執至東岳宮衆婦皆入氏堅扳門欄不肯入賊悅其容不忍殺至東平渡以石擊頭血流被面奮跳下水賊怒殺之年二十有二

葉氏名姑娘松溪人江華妻陳氏名應娘莖弟江惠勝妻嘉靖間舉家避倭匿長潭值歲除里覓

覓刀剃頭弗得葉出諸懷衆婦問故曰設不幸
爲賊掠藉此可自盡明年正月初倭圍長潭執
葉氏陳氏共繫一繩葉謂陳曰予與若今日被
掠縱生還斷無美名不如就死陳唯唯葉引手
覓刀則已墮失乃各抱幼女共帶繫繩跳潭而
死

陳氏松溪人葉孜妻年二十二孜故獨遺一子甫
週矢志鞠育之隆慶六年火東隣西舍俱燼陳
號泣曰天乎未亡人及此孤兒安能勝舅姑兩

建寧府志

卷之四

列女

四十一

二百八十六

元

樞兩樞燼未亡人命卒之日也火及前廊天爲
反風以免

陳氏名賽娘松溪人楊國資妻十七歲夫亡無子
立夫兄弟各一子爲嗣謹事孀姑矢志靡二課
子肄庠萬曆四年建文奎閣於學宮有司獎之
葉氏松溪人董用賢妻

陳氏松溪人例貢葉塔妻少嫺女訓善事舅姑夫
亡無子立猶子繼嗣後捐田二十二畝於學宮
以助邑士之學

童氏松溪人陳本仁妻年十八寡以節終

范氏名惠女松溪人林受妻嘉靖間同衆避倭匿
廖墩賊掠氏及衆婦氏獨抗節不屈或謂且暫
順明日家中約來贖氏曰可贖身也可贖辱哉
我則寧死賊見言厲殺其幼女以懼之氏顏色
不變賊曰併及汝矣曰固所求也賊怒殺之年

二十七

陳氏松溪人江鏗妻年十八鏗亡遺腹生子謂姑
曰徼天幸得此呱呱願強食無恙供甘旨撫幼

建寧府志

卷之四十一

列女

四十三

二百八十四

美

孤終身無倦

何氏松溪人葉文祥妻祥歿何年二十八事姑黃
祖姑謝奉養備至二姑皆年近百歲而何亦八
十餘

魏氏松溪人葉世溟妻

鄭氏政和人吳景文妻洪武元年木溪寨寇至舉
邑驚走氏及女伴十餘人避難山谷棄其週歲
兒瑾土草中寇至逼之氏遂投崖而下將半衣
絀於棘良久復墜不死而右足折有一女同

投崖下骨月蓋粉不知其誰氏但稱曰投崖女
子寇退瑾亦無恙

劉氏政和人吳繼祖妻洪武中從夫戍南京生子
浩成而夫卒氏年二十五獨抱遺孤還故里撫
教底成以壽終

倪氏政和人陳受榮妻正統末古田寇發劫掠縣
境氏與夫避山中寇掠其夫驅羣婦以去倪義
不受辱投溪死寇退夫得其屍面色如生

李氏政和人林昭德祖母生子兩月夫卒氏年二
建寧府志
卷之四十一
列女
四十四
二百七十八
美
十四有以財挾聘者氏持刀自絕隣嫗覺而止
之家貧紡績自給終無二志

魏氏政和人王得閔妻年二十三閔卒二子曰記
曰澄皆幼魏偕妾奉其姑依夫之從叔文表以
終

盧氏政和人張子銘妻年二十四銘卒二子皆在
襁褓或諭之曰汝年少子幼恐不克終氏曰微
業尚可度日縱貧不能自存豈不聞餓死事小
乎聞者嘆服

陳氏政和人張彥章妻章爲縣吏以罪謫戍臨別
囑曰茲行存亡未卜汝能撫吾孤幼吾死瞑目
矣時陳甫十八旣而章果沒撫育其子留遠及
前妻子留寶俱底成立守志七十一年年八十
九卒

黃氏政和人吳公寶妻年十六歸公寶越四年公
寶病亟謂黃曰吾無兄弟止生一女家貧無依
柰何黃曰妾豈更事二姓俄寶卒後女長人曰
可贅壻也是卽子矣黃曰如宗祀何乃育夫之
從子坦爲後

建寧府志

卷之四十

列女

四十五

三百

在

周氏政和人生三子魏穀實彥祥穀資旣喪所天
而穀實等復相繼夭亡其冢婦黃次婦李季婦
張皆少周從容諷以從一而終之義三婦皆感
泣齧指自誓示不二心閨門之內肅如諸孫總
角者則遣就外傳在襁褓者皆自撫哺之如是
者三十餘年七十五卒三婦遵奉教戒皆能堅
持苦節弗墜其家聲

王明妻年二十生子窓未週明疾革

囑曰我必不起子幼去留在爾陳泣曰有留爾
明死依明從母以居沙尤寇作挈子逃難艱苦
備嘗知縣王鑑作詩有寸心昭白日信誓契蒼
天之句

范氏政和人倪澄妻澄早喪范年二十無子事姑
盡孝求族子洧以嗣夫後終無異志

林氏政和人范灼妻十八歲喪夫矢志堅守嘉靖
間倭陷城捉迫入營願死不就竟殺之萬曆二
十二年提學徐卽登御史陳子貞題請旌表

建寧府志

卷之四十一

列女

四十六

二百八十六

在

張氏政和人游銓妻嘉靖壬戌倭數千攻陷壽寧
進攻政和銓巡城未歸賊已盈衢巷張度不能
脫與女俱赴井死萬曆二十二年御史陳子貞
奏請旌表

范氏政和人陳瑋妻瑋疾革范割股和劑服之瑋
卒無嗣或勸之嫁厲聲叱曰犬彘我耶年七十
餘卒

吳氏政和人朱廷春妻夫病焚香告天願以身代
夫卒抱棺誓志閉門屏居有司旌之

吳氏政和人張炳妻

陳氏政和人張鳳池妻

李氏政和人姜英繼室年二十六生子禮甫三歲而英死攻苦食淡育英前妻子三人如已出後

禮領正德丙子鄉薦通判梧州嘉靖間旌表

陳氏政和人教諭趙旻妻旻罵賊死氏以節終郡守龔道立稱其君臣夫婦之間嘉耦無愧

池氏政和人吏目吳天秩妻倭寇陷城氏被執不入賊營厲聲罵賊死之

建寧府志

卷之四十一

列女

四十七

二百九十五

元

張氏壽寧人吳自修妻嘉靖間倭寇壽寧張氏年十九負幼兒匿巖洞內賊搜出以刀挑其兒欲挾以行張向前奪刀賊怒遂殺其子張唾罵賊首觸其鋒遂被殺

吳氏名濂壽寧人葉秉則妻年二十五秉則亡父母欲其改適氏以死誓父母不能屈課三子耕讀年八十四卒有司以聞旌表其門

李氏名八姑壽寧人年二十適周騫甫三月歸寧父家騫忽卒徒步百里奔喪殯畢自縊與夫合

葬萬曆間司道扁旌其門

黃氏壽寧人李津妻年二十五津喪無舅姑兄嫂逼其改嫁黃剪髮為誓嫂曰髮可短也亦可長也黃聞遂縊死

許氏壽寧人年十九適朱文斌半載斌亡父母逼嫁剪髮嚼指自誓靡他遺腹生男夭折撫孤孫鳳成立年九十終

李氏壽寧人周文妻夫死自經以殉

吳氏名細娘壽寧人年十八適葉從式僅九月而

建寧府志

卷四十一

列女

四十八

二百八十五元

式卒氏誓死以殉為妯娌防不得聞尋求伯氏次子懋猷叔氏次子懋育為嗣曰二子並嗣示不私也

王氏名瓊壽寧人年十八適孫科九甫五月而夫死姑憐其少且無子欲嫁之氏斷髮自誓女工養姑姑卒喪葬如禮孫之族人利其產必欲去之氏避回母家年七十卒全其節

金氏名新壽寧人劉良妻良佐官軍討滅官臺山寇後二歲良歿新年二十一舅姑諭其改適

泣而告曰臣婦無二矧妾夫義士也豈可辱身以辱夫乎矢志以終

周三娘者壽寧生員李尚文妻尚文死周年二十六哀毀逾常舅姑憐之使再適三娘曰婦義無二且二老孤兒在妾何忍去卒全其節享年八十四終

黃氏名森平陽軍卒女壽寧陳忠分教平陽時聘爲繼室暮年忠病亟謂森曰家鄉遼邈母老子幼脫不諱汝自從志無顧也森泣曰更事非禮

建寧府志

卷之四十一

列女

四十九

二百九十二

万

背德不祥吾敢違諸忠歿扶觀歸壽寧奉姑孝謹撫前子如已出

謝氏名清壽寧人江進成妻年二十五而夫故義不更醮杜門勤苦以資衣食江有姊名綾者亦寡感謝之義歸同守節以終嘉靖間知縣張鶴年旌其廬曰一門雙節

江氏壽寧人葉綱妻年二十七綱卒於北京父母命其改嫁江曰女子再嫁是犬彘也矢志節訓子子麟以明經爲臨高教諭氏年六十四終

吳氏壽寧人林京九妻年二十二夫疾革謂吳曰
死不足惜第痛母老家貧子幼耳泣對曰妾在
必不負君夫死事姑撫子鄉人賢之

孫氏壽寧人葉伯臻妻年二十一而夫歿生子仁
球甫三歲姑諭改嫁孫以節操自誓姑久疾侍
湯藥不懈課子成立卒年七十四

龔氏壽寧人庠生吳文振妻年十九夫亡父母欲
奪其志龔誓死不從甘貧勵節撫男世和及長
娶媳龔氏生孫三人遊庠者二復遭男喪與媳

建寧府志

卷之四

列女

五

二百八

万

同勵苦節年八十二終

周御弟壽寧生員詹伯第妻性至孝姑林氏夙染
瘋疾氏奉侍左右者四十年家遭火夫男俱外
出周氏仰天大哭肩烈焰中負姑出人以為至
孝

葉氏壽寧廩生陳尚忠妻年十六夫死家貧守志
邑民化之此方遂成貞里

國朝

齊氏建安人庠生楊偉妻戊子之變夫在外氏

其女曰事勢至此逃將焉避與其被執而受汚
毋寧先死以全節遂與女相繼投井而死

謝氏名招弟建安人陸觀順妻蚤歲夫亡無嗣脫
簪珥葬之或勸其他適謝曰得同穴幸矣又何
言甘貧苦節依女以終其身壽八十有七

王門三烈婦者甌寧人一婁氏一徐氏庠生王公
槐之妻妾也槐弟公翰妻陳氏戊子克城大兵
入其家婁抱一子躍入井徐繼之陳復繼之對
鄰任師尹母妹亦相繼投井井爲之溢

建寧府志

卷之四十

列女

五十一

三百十六

美

潘氏名賢娘甌寧人儒士孫廷燦之妻事孀姑孝
謹順治五年克城兵執姑欲殺之潘氏以身代
奪刀自刎而死兵憐其節烈贈以金粟姑得以
保全

馮氏甌寧人適建安庠生黃震順治十年賊破大
樂震與兄恭殺賊數人賊益至恭震鬪死馮正
立侍姑側曰毋傷我姑賊遂舍姑執馮去馮給
曰事至此死生惟命矣然吾有所藏幸少縱取
以與汝賊許之馮入室卽闔門拒賊抽刀自刎

賊破戶入而馮已氣絕矣

陶氏盱江人庠生夏世寧妻流寓甌寧年二十世寧故氏矢志不嫁事舅姑撫孤友仁歷年五十餘載節孝之操如一日順治十四年巡按朱克簡疏請建坊其子友仁亦以孝稱

陶氏甌寧人洛容令宗器女文學黃以緯妻癸巳賊掠謝墩以緯率妻子逃山谷中賊執以緯殺之棄屍巖下氏罵賊不已賊怒亦殺之

龔氏甌寧人游侯度妻年少艾順治九年山寇竊發遍村焚掠婦被執刼以刃不從罵聲不絕賊怒亂砍死

徐氏甌寧人葉一騏妻夫早喪毀容守志庶子殤騏弟一驥僅一子遂同叔姒李氏孀居並守子長又弱氏年七十三饔飧不繼弟憐之每欲迎致於家氏哭曰生爲葉氏婦死爲葉氏鬼豈敢復圖溫飽耶

王氏福清人嚴志振妻流寓甌寧年二十四夫亡止遺一子矢志鞠之踰年子亦喪王悲痛賦十

嘆詩親設酒醴祭姑暨夫端坐自縊而死

施氏名端宋國綱女流寓甌寧幼誦內則諸篇年十五議配諸生林玉男長培未嫁夫歿施聞計辭父母易衰衣登車至林門揭夫衾目猶未瞑慟而撫之解巾自縊於夫卧榻側髮中有一紙題云受聘女端宋與夫未合色不可無別我死另置一屏安於夫屍傍康熙二十七年建坊旌表

朱氏建陽人文公十四世孫女適張汝桐幼承庭

建寧府志

卷之四十

列女

五十三

二百九十

至

訓動止如禮年二十而寡姑老子幼家貧無所賴氏力紡績養姑教子壽七十守節以終巡方督學屢旌其門

李度貞初名鳳琛建陽人貢生李德基女幼聞弟讀尚書問百度惟貞之義父異而訓之氏曰何不名琛以貞因名度貞及長適張眼眼天無子氏求死母力護得免李曰幼聞琛貞之訓今當永矢之矣繼而弟亦夭遂與弟婦危氏誓共守節

徐氏崇安人幼失怙伯父奉化尹撫之十五歸江
崇學甫四載崇學卒子朝柱年方二歲氏教育
有方長爲邑諸生守節六十三卒

李氏名毓秀崇安人廩生王新運妻新運就郡試
氏省母病塗遇賊避入叢箐中賊搜得之將加
辱氏罵賊而死

江氏崇安人暨壽富妻年廿五而寡山賊起圍城
遍搜附郭諸砦氏子女被執賊閉之佛嶺民舍
中氏先扼殺其子女隨自縊死邑人哀之爲合

葬焉

林氏崇安人周吉甫妻爲賊所執行三里躍入澗
潭賊以爲死舍之去浮沉水中得不死鄰人驚
起之又遇賊乃以所懷物與賊請畢命賊不聽
奮身奪賊刀自殺語隣人曰倘歸幸語吾夫知
吾死所也越七日顏色如生

虞氏崇安人陳貴恒妻鄉賓夢弼之母也年未三
十而寡蹈禮守貞苦節七十年教子訓孫年登
百有一歲建坊旌獎邑令歲致粟帛詣其廬

彌歲亦九十餘

丘氏崇安人諸生岳堯時妻壬辰六月賊掠大安
夫婦俱被執時責以大義詞色慷慨賊怒殺之
氏亦罵賊死

洪氏崇安人農家婦也同子揚二浩為賊執賊索
二浩金留氏以質氏密語浩曰善事汝父吾死
必矣罵賊不辱賊磔其屍

謝氏崇安人廩生藍繡妻避寇鼓子巖為賊所掠
勒之行不從手抱三歲兒奮身鼓子巖下子母

建寧府志

卷之四十

列女

五十五

二百八十一

俱斃邑人為繪圖賦詩以弔焉

周氏崇安人丘世振妻為賊執迫之氏罵曰頭可
斷身不可辱賊怒殺之

王氏崇安人暨丙一妻年十八而寡子幼遭兵亂
自縊死

周氏崇安人庠生彭鶚薦妻薦授經遠出氏奉姑
家居順治己丑山賊肆掠姑病氏扶之同行被
執於塗請曰寧殺我姑老矣逼之不從遂遇害
張氏崇安廩生彭慎謨妻謨早逝氏年二十三矢

節不二年逾八旬屢經旌獎

安氏崇安人彭國龍妻丙戌兵至自縊死

暨氏崇安人彭澤民妻避寇自縊於山林數日後其幼子尚抱懷中

陳氏崇安人張伯顯妻年二十四而寡父母欲奪其志不從全節以終其妯娌丁氏胡氏後遇賊俱以不污死

毛氏崇安諸生金庭高妻姑年老多病氏侍湯藥佐庭高以孝聞時大疫氏脫簪珥市藥物賑隣

建寧府志

卷之四十

列女

五十六

二百八十

五

隣甚德之後高卒氏撫二孤終其節

丁氏崇安諸生王琅母年十七而寡撫琅於遺腹中志行完粹五十而卒

朱氏崇安人吳人式妻生三子式卒事舅姑盡婦道長子死婦丁氏與姑同守節直指表以一門雙貞次子應聘康熙間息貢氏享高年以終閭里稱之

張細娘崇安人適劉昌仁年二十一爲賊所掠逼之氏叱曰我自育夫何得污吾吾之不卽死者

以有孕在冀續夫後賊露刃挾之益厲聲曰
頭可斷腹可剖身不可辱罵不絕口遂遇害
邑義之

吳氏崇安人適范希若半載而死陳賊聞其少艾
欲挾娶之姑懼終日哭氏度不免給姑曰媳無
子當去毋以爲念且得貲可養餘年入寢房改
粧出拜夫靈辭姑慷慨就道其姑心訝之入門
持刀殺賊未遂跳躍而死後人始知其入房改
粧時已服毒矣鄉人立碑以紀其節

建寧府志

卷之四

列女

五十七

三百〇四

在

周氏崇安人丘參妻參死慟哭幾殞姑苦勸以食
踰月遺腹生一女氏抱棺號泣曰夫雖棄予予
敢負夫乎不食數日卒

吳氏崇安人丘世振妻年二十爲賊所執義不受
辱厲聲罵賊賊怒殺之

黃氏崇安人適王幼石業儒而貧爲父行役身溺
氏聞之哭欲死遺腹生兒三歲爲薙髮拜夫靈
是夜自刎太姑聞救竟斷喉殞矣啟其梳匣得
詩曰常說死同穴於今問水濱團圓難負約今

向劍頭伸年六十進近哀之作詩以輓

范氏崇安庠生童先聲妻值寇亂被掠不屈罵賊
投柯死

倪氏崇安丘世英妻康熙十六年值寇亂避居下
東坑六月三十日寇臨其地被掠逼勒弗從罵
不絕口賊怒亂刀砍死慘烈異常

丁氏崇安人黃應薦妻年十八而寡矢志不渝撫
遺腹子教以成立直指李時茂旌其門

楊氏松溪里十三國民范蘭懷妻年十八失所天

建寧府志

卷之四十一

列女

五十八

二百九十五

歷五十三載冰霜無愧撫其子伺讀書肄庠康

熙二十二年疏請立坊旌表

趙氏政和人胡士龍妻夫亡爲卜兆駢穴待終又

建橋亭資夫冥福邑侯謝申之顏其橋曰貞一

范氏政和廩生盧養聖妻生子四養聖病終氏苦

守訓子長男盧之麟遊庠天逝次之象繼亡長

媳何氏次媳吳氏側室張氏一門四寡人無間

言捐金建造橫林橋又建武溪觀音堂鄉里悉

稱之

氏政和貢生黃化治妻丁亥寇至避於騎馬林
賊逼氏氏投崖死賊怒拔刀擲之斷其右臂後
賊釋化治見氏首挿窟中哭曰氏死矣何苦多
此一亦也里人王震作詩弔之曰亦加死後纔
爲賊首碎崖中始是貞

游氏名月清政和人游君正女年十四以色聞於
里賊欲娶之圍其室月清抱幼弟潛匿水碓下
賊聞呱呱聲踪跡之殺其弟逼月清不從遂遇
害

建寧府志

卷四十一

列女

五十九

二百六十六

鄭氏政和人吳大梁妻年二十而夫亡貧苦自守
教養三子成立壽百有四歲無疾而終

謝氏政和人吳光辰妻夫死於賊姑令改適氏自
亦於水槽頭紳士嘉其貞烈環縣治前奠之
林氏政和人范秉睿妻年十八而寡苦志守節遺
腹子不肖悲憤墜井而死邑人哀之

吳氏政和人陳景芳妻芳卒無嗣夫從兄欲令改
適悉奪田園吳矢志不二甘守貧苦辛勤女紅
自給年八十餘終

林氏龔氏者政和孝廉游應運之妾也應運卒二
氏皆少艾各撫一孤守節四十年始終無玷順
治十年巡道李元萃以雙筠勁節表其門
許氏政和人倪有試妻年二十一夫喪獨遺一女
或諷以無男不用守節氏哭曰未亡人何論男
之有無竟孀居以終順治間縣令吳以貞節表
之

江氏政和人大學生范淑仁妻生二子嘉彥中彥
甫孩童而淑仁卒江年未三十苦節撫孤言不

建寧府志

卷四

列女

七

二百八十四

全

出闈壽九十四終

許氏政和人王子明妻年二十七而寡遺男九齡
貧甚辟纊度日其後男天復撫孫成立卒年七
十有七

陳氏政和人邑庠生范士騏妻夫亡無嗣倚外家
數十年全節以終

李氏名淑壽寧人適葉喬林生二子未幾喬林卒
長有挺方六歲次有挺在抱氏篤志守節事姑
孝教子嚴有挺稍長令負笈遠從名師勗以勤

學後有挺登康熙庚戌進士猶及見之年八十餘終

符烈婦者壽寧南灣鄉民林公興妻也土寇據福安官兵進討遇諸途欲強污之氏不屈投河死江氏壽寧人張守湖妻戊子寇亂兵搜山江及八歲姪俱被執氏恐其害姪也但日到縣成配遂負姪而行到東關險處置姪於地投崖死之李鳳姑壽寧林朝綱之婦也順治戊戌賊掠梅洋氏爲賊執義不受污賊百計挾誘終不從賊首

建寧府志

卷之四十

列女

六十一

一百八十

天怒剖腹支解投屍河中

